


一本堂行餘醫言

卷之三
疝

+武
5/1
3



門中武9
編 517
卷 3



一本堂行餘醫言卷之三

平安 香川修德太沖父著

疝所晏切

疝即聚又即痕

附陰癩

臍腳

疝者鬱氣之凝滯而為痛者也。多在少腹。或上逆而奔突。急痛。或四方走注為痛。或自臍下升奔衝心而痛。或下控陰囊為痛。或引背脊。或牽脇肋。或縮小便。或秘大便。或不得前後。或大便忽瀉。忽秘。或為久泄。或為久秘。或控引。畢丸入腹。則痛不可忍。或腹皮急。或腹筋急。或脈張筋怒。如

行餘醫言

疝

一

一本堂藏書

有形或腹中雷鳴裡急非必瀉或腹中有聲如蛙或腰痛不可俯仰或引腿膝不得屈伸或惡寒發熱甚則戰慄鼓顛壯熱謔語至痛之劇則如切如裂如刺如絞壯夫踴呼欲絕欲火或手足厥冷冷汗如流或繞臍而痛或自汗出或臍上下凝如臂即痙也或飲食不為肌膚羸瘦少氣或腹滿嘔吐不得飲食種種證候千狀萬態不可說盡又有遂成滯患或歲一二發或月二三發者發則臍腹大痛寒戰壯熱煩悶大汗陣陣作止大憊而醒若有內虛而發則終

致不起而及其淫溢則成遺精成久瀉成腹滿成虛勞成癆閉成燥結成胃反其變至多不可悉述猶癥之成暴動成空氣成痰液也

暴動者欬嗽也嘔吐也喘哮也噦也

空氣者噫也噦也屁也欠也鼓脹也腸鳴也

痰液者痰也酸苦清水涎唾也瀉也水脹也帶下也

蓋疝之凝結也亦猶癥之以漸積累空氣一滯則其隙踈之地位終難可充實故俗語云疝不可根治唯以調停溫

養使不發為上策耳。察其所發，多因過食，或喫生冷硬物，油膩厚味，炒炙芳香之物，或飲酒大醉，或房室過度，間由世變人情，大怒深憂而發者有之。若能節慎，可免數發。疝名亦甚濫，略舉于下。

疝。

出素問。長刺節論云：病在少腹，腹痛，不得大小便，病名曰疝。又見大奇論，至真要大論，五藏生成論等。

疝氣。

出靈樞。

邪氣藏府病形篇，又見神農本草，五加皮條，又見海藻條，甄權。

卒疝。

同上。

經脈篇云：氣逆則羸腫卒疝。實則挺長，虛則暴癢。又見素問，繆刺論，外臺祕要所引集驗方，已下同。

厥疝。

出素問。

五藏生成論云：有積氣在腹中，有厥氣，名曰厥疝。女子同法。病源候論云：厥逆心痛，足寒，諸飲食吐不下，名曰厥疝。

衝疝。

同上。

骨空論云：此生病從小腹上，衝心而痛，不得前後，為衝疝。

狐疝。

行餘醫言

疝

三

一本堂藏書

出靈樞

本藏篇云腎下則腰尻痛不可以俛仰為狐疝。又見經脈篇五色篇又千金方云小兒狐疝傷

損生癩此言狐本陰怪獸故謂陰疝異常證狀為狐疝也猶張機言狐惑證也而至儒門事親乃云狐疝其狀

如瓦卧則入少腹行立則出少腹入囊中狐則晝出穴而溺夜則入穴而不溺此疝出入上下往來正與狐相

類也亦與氣疝大同小異今人帶鈎鈐是也此鑿說之最僻者也蓋就狐字致種種憶想杜撰何足取乎又醫

學綱目云狐夜伏而晝見以疝處厥陰之分即人之陰篡隱與之所晝下而夜上故以狐疝名焉此亦自張之

說轉些 ○素問又稱狐疝風 四時刺逆從論

心疝

同上 邪氣藏府病形篇云心疝引臍小腹鳴熱病篇云心疝暴痛又素問脈要精微論云心疝少腹當有

形也又見大奇論又見肘後方病源候論云由陰氣積於內寒氣不散上衝於心故使心痛謂之心疝也其痛也或如錐刀所刺或陰陰而疼或四支逆冷或胥口變青又外臺秘要所引范注方稱三十年心疝

肺疝

出素問 大奇論

肺風疝脾風疝心風疝腎風疝肝風疝

同上 四時刺逆從論

疝瘕

出素問 平人氣象論云疝瘕少腹痛王機真藏論云脾傳之腎病名曰疝瘕少腹寬熱而痛出白一名

行餘醫言

疝

四

一本堂藏書

曰蠱神農本草稱疝瘕者十餘條而稱婦人疝瘕者三條病源候論云其病雖有結瘕而虛假可推移故謂之疝瘕腹內急痛腰背相引痛亦引小腹痛又出甲乙經

七疝

同上骨空論云任脉為病男子內結七疝女子帶下疝聚八十一難云任之為病其內苦結男子為七疝女子為瘕聚並無名目至病源候論云厥疝瘕疝寒疝氣疝盤疝肘疝狼疝此名七疝也厥逆心痛足寒諸飲食吐不下名曰瘕疝也腹中氣乍滿心下盡痛氣積如臂名曰瘕疝也寒飲食即脇下腹中盡痛名曰寒疝也腹中乍滿乍減而痛名曰氣疝也腹中痛在臍旁名曰盤疝也腹中臍下有積聚名曰肘疝也小腹與陰相引而痛大便難名曰狼疝也按外臺秘要所引文仲七疝九條云暴心腹厥逆不得氣息痛達背脊名曰疝心

下堅痛不可手近名曰石疝臍下堅痛得寒冷食輒劇名曰寒疝脇下堅痛大如手痛時出見若不痛不見名曰盤疝臍下結痛女人月事不時名曰血疝少腹脹滿引膀胱急痛名曰脉疝此只六種而闕一種至張從政又別易名目云寒疝水疝筋疝血疝氣疝狐疝癩疝是謂七疝寒疝其狀囊冷結硬如石陰莖不舉或控帶丸而痛水疝其狀腎囊腫痛陰汗時出或囊腫而狀如水晶或囊痒而燥出黃水或少腹中按之作水聲寒濕之氣聚於囊中故水多令人為卒疝筋疝其狀陰莖腫脹或潰或膿或痛而裏急筋縮或莖中痛痛極則痒或挺縱不收或白物如精隨溲而下血疝其狀如黃瓜在少腹兩旁橫骨兩端約中俗云便癰氣血流溢滲入疝囊留而不去結成癰腫氣疝其狀上連腎區下及陰囊或因啼哭忿怒則氣鬱之而脹怒哭罷則氣散者是也小兒亦有此疾俗曰偏氣狐疝其狀如瓦卧則入小腹行立則出小腹入囊中狐則晝出穴而溺夜則入穴而

不溺此疝出入上下往來正與狐相類也亦與氣疝大同小異今人帶鉤鈴是也癩疝其狀陰囊腫綻如升如斗不痒不痛者是也女子陰戶突出雖亦此類乃熱則不禁固也此說大鑿固不足取且其解筋疝血疝者元非疝證不可感張之妄談誤認疝證也

牡疝湧疝氣疝

出史記淳于意傳

寒疝

見金匱方論及甲乙經病源候論已下皆同

儒門事親云寒疝亦

名水疝非也

小兒寒疝

見本草綱目

梨葉條又棟條云小兒冷疝

飢疝

出病源候論

肘後方云飢而心痛名曰飢疝

五疝

同上 一曰石疝 二曰血疝 三曰陰疝 四曰妬疝 五曰氣疝 亦是為五疝也而范汪所錄華佗太一決疑雙丸方云治八否五疝積聚伏熱留飲往來寒熱而下的顯五疝

之狀

臍下疝。臍疝。大疝。

並見甲乙經。

心腹疝。

見外臺秘要所引古今錄驗療義寒三十歲心腹疝。

瘕積聚。

瘕疝。

見醫宗必讀。

積疝。

見丹溪心法附餘。

勞疝。

見丹臺玉案。

腎疝。肝疝。脾疝。

並見玉機微義引脉經。

小腸疝。濕疝。熱疝。

見景岳全書。

古今醫統稱腸疝。○衛生易簡方云。小腸疝。氣偏墜。陰腫。

濕熱疝虛疝

見明醫指掌圖

暴疝

見儒門事親

橫弦豎弦

三因方云疝之為病絞刺擊搏无有定處倉卒之際痛

不堪忍世人稱為橫弦豎弦此即膀胱小腸氣賊風入

腹等名義不同證狀則一證治要訣云少腸氣即是疝氣今謂之橫弦豎弦

腎氣

出仁齋直指

釣腎氣

見醫林集要

腎氣疝實疝

並見醫學綱目

七情疝痰疝

見醫學入門

行餘醫書

疝

八

一水堂藏書

腫疝。

見醫學正傳。

小腸膀胱氣。

此元出神農本草。

烏非條云利小腸膀胱氣又名醫別錄屋游條亦同其他不多見

未

詳其疝否後世別稱膀胱氣。

本事方儒門事親三因方又證類本草胡蘆巴條

小腸氣。

本事方玉機微義又本草綱目馬鞭草條引纂要奇方云婦人疝痛名小腸氣非也衛生易簡

方作小腸氣痛。

蟠腸氣木腎偏墜。

盤腸氣。

見丹溪心法附餘又醫林集要等作盤腸。

出萬病回春。

云腸中走氣作聲或痛者是盤腸氣也小腹陰囊手按作響聲痛者是膀胱氣也小

腸臍傍一梗升上鈞痛者是小腸氣也小腹下注上奔心腹急痛者是腎氣也陰子偏大偏小者是偏墜也陰子雖硬大而痛者是木腎氣也又云偏墜氣又云氣胞木腎水胞偏墜

腎餘陰腫。

古今醫統云世俗呼為小腸氣膀胱氣奔豚氣蟠腸氣

橫弦豎弦偏墜木腎腎餘陰腫。

腎餘疝氣見醫學綱目

陰疝。

見外臺秘要所引文仲方云寒疝亦名陰疝。又見肘後

準繩云陰疝一名癰疝。○名醫別錄地腠條云女子陰疝。

陰狐疝氣。

金匱方論云陰狐疝氣者偏有大小時時上下。

陰疝癖。

見本艸綱目。蕞菴條引陳藏器

木疝。

木疝

秘方集驗云木疝即木腎。

癰疝癰疝。

出素問。至真要大論云丈夫癰疝婦人小腹痛脉解篇

控澤而痛也又靈樞經脉篇同癰疝作

腸瘻內瘻瘻瘻瘻陰。

並見靈樞。邪氣藏府病形篇瘻陰見五色篇

陰癰。

千金方云癰有四種有腸癰卵脹氣癰水癰。醫學入門稱卵癰又

卵癩水癩本
出肘後方

陰癩氣癩氣

出證治要訣

暴瘡

出名醫別錄海藻條

卒癩

見外臺祕要所引集驗方

雙文癩

見千金翼方

癩風

見三因方云癩風之症世謂腎臟風

兒癩

見千金方

名醫別錄蜘蛛條云大人小兒癩又外臺祕要所引備急方小兒癩古今錄驗小兒陰癩

本艸綱目挑仁條小兒卵癩又杜父魚條陳藏器云小兒羞顏羞顏陰核大小也又食鹽條小兒疝氣并內吊腎氣日華子本出外臺祕要所引劉氏

小兒胎疝

見資生經。

婦人陰癩。

見本艸綱目。

鯨鯉條引
椿玄方

千金方及翼方作陰胎。

陰跳狐筋。

並見甲乙經。

內疝。

見養生主論。

聚大聚盛聚。癥聚結聚。氣聚六聚。癥大癥暴癥。氣癥寒癥。

伏癥。固癥。產癥。瘕。瘕氣。結氣。冷瘕。

己上皆見癥門。此數者畢竟疝也。

狐疝。風頰疝。積疝。癥疝。氣疝。盤疝。肘疝。狼疝。尸疝。石疝。血疝。脉疝。水疝。筋疝。偏氣。帶鈞。鈴。妬。疝。卵癩。羞頰。偏疝。冷疝。腎臟風。腸疝。木腎氣。偏墜氣。氣胞。水胞。陰腫。肝氣。下部氣。氣結。

己上皆見上。肝氣見于後。下部氣亦同。氣結見于肘後方。

大略若是皆是華人喜多名之所致而遂反眩惑以為聾聵之說張從政之論疝也全是逞臆偏見固不足取且其遺溺閉癃陰痿疝痺精滑白淫皆男子之疝也血涸不月月罷腰膝上熱足躄嗑乾癃閉少腹有塊或定或移前陰突出後陰痔核皆女子之疝也以上諸證豈疝也哉若謂因疝為此諸證則可也直謂指此為疝則妄矣又云但女子不謂之疝而謂之瘕此亦不詳讀古書之誤也素問云有積氣在腹中有厥氣名曰瘕疝女子同法五藏生神農成論

本州以下稱婦人疝瘕者頗多

藁本條婦人疝瘕獨活條女子疝瘕衣魚條婦人疝

瘕又名醫別錄乾漆條云女子疝瘕又有名未用地朕條云女子陰疝女子固有疝疾何得不謂疝乎此亦妄矣且換七疝之目者亦是杜撰之甚也

其稱筋疝者即下疳瘡及淋之事也血疝者便毒也此亦豈疝也哉若謂二證兼疝則可言也况張文仲云臍下結

痛女人月事不時名曰血疝見外臺秘要則見從政之解血疝

者全是一已之僻說而非疝之事無復可疑也如李仲梓辨七疝較優於諸氏

醫宗必讀云內經所謂任脉為病內結七疝合言疝證
 之原也所謂衝疝狐疝癩疝厥疝瘕疝癰疝疝分
 言七疝之狀也巢氏不能詳考內經原具七疝乃強分
 厥瘕寒氣盤附狼自附于內經之七疝不亦妄乎空張
 子和非之曰此俗工所立謬名似矣及其立論但辨陰
 器與小腸膀胱腎了不相干專屬肝經受病竟不知任
 脉為七疝之原亦不知經文自有七疝散見于各論之
 中又添寒水筋血氣狐癩之七種此其疵謬與巢氏未

有以異也若言疝為筋病皆挾肝邪則可若言止在厥
 陰一經不亦與內經相戾耶且執病在下者引而竭之
 不問虛實驟與攻下其禍有不可勝言者豈待下後始
 補而可回其生乎瘕與癰同如是則分一證為二李仲梓其求而不足強填之以合七數何不加卒
儒門事親云疝本肝經空通勿寒狀疝有七疝乎
前人論者甚多非靈樞素問銅人之論余皆不取非余好異也但要窮其原耳七疝者何寒疝水疝筋疝血疝氣疝狐疝癩疝是謂七疝俗工不識因立謬名或曰膀胱或曰腎冷或曰小腸氣小兒曰偏氣立名既謬併失其實又云且夫遺溺閉癰陰痿疝瘕精滑白淫皆男子之疝也不可妄歸之腎冷血涸不月月罷腰膝上熱足躄嗌乾癰閉少腹有塊或定或移前陰突出

後陰痔核皆女子之疝也。但女子不謂之疝而謂之瘕。又云內經曰木鬱則達之達謂吐也。今條達肝之積本當吐者然觀其病之上下以頒為貴。仲景所謂上宜吐下宜瀉者此也。

玉冑堂之論疝也懸空捕風之言不過以口舌強解耳。若小腸氣是小腸膀胱氣是膀胱則當是腎氣是腎肝氣是肝疝氣是疝何得特云疝氣是肝乎。若以經絡言則膀胱固足經尚可言矣。小腸是手經何得謂因經絡並而連及乎。若然則脾膽胃亦經絡相並何不言疝耶。若以相及言則大腸三焦肺心亦當相連及。何其說之不通如是耶。且

引趙以德說亦由無定見也。已謂疝專屬任脉而又別立肝氣一目以欲與小腸氣膀胱氣腎氣相同益足以見其迷昧矣。

證治準繩云或問疝病古方有以為小腸氣者有以為膀胱氣者唯子和丹溪專主肝經而言其說不同何以辨之曰小腸氣小腸之病膀胱氣膀胱之病疝氣肝經之病三者自是不一昔人以小腸膀胱氣為疝者誤也。小腸氣俗謂之橫弦豎弦達臍走注少腹攻刺而膀胱氣則在毛際之上小腹之分作痛與疝氣之有形如瓜有聲如蛙或上於腹或下於囊者不同也。但小腸膀胱因經絡並於厥陰之經所以受病連及於肝則亦下控引羣丸為痛然止是二經之病不可以為疝也。又曰任脉是疝病之本源各經是疝病之支流又曰若諸經受

邪不與任脉相干，則不名為疝矣。又曰：戴人既曰用內經靈樞明堂之論，要窮疝病之源，而不及於任脉生病之源，何也？其餘亦皆此類。殆厭讀矣。其文冗長，不暇悉錄。詳見證治準繩。

張介賓之論疝證，而駁張朱戴，則較可。但未免醫家之言，故不可盡取耳。

景岳全書云：疝氣病者，凡小腹羣丸為腫為痛，止作無時者，皆是也。但疝證不一，又云：至若衝疝，痕之屬，亦皆男婦之所同病者。然唯羣丸之病，獨在男子，而他則均當詳察也。又云：今人但言男子之疝，而全不知婦人之疝，殊失之矣。又云：疝氣所屬，本非一經。如內經云：此素問言諸經之疝也。又經筋等篇云：此靈樞言諸經之疝也。自張子和云：此子和之意，以疝為筋病，而筋主於肝，故謂疝必厥陰，似亦有理。而實則不然。觀內經

諸論云云，則小腹前陰之經，則厥陰、少陰、太陽、陽明、少陽、太陽，以至衝任督脉，皆有所涉。今考銅人經治疝之法，則諸經皆有俞穴。若謂止屬厥陰，則諸皆可廢矣。即子和亦謂諸穴雖亦治疝，然終非受疝之地。此何說也？自後丹溪遂因子和之言，謂經有七疝，專主肝經，與腎經絕無相干。再至戴原禮，又因丹溪之說云：疝本屬厥陰之一經。余嘗見俗說小腸膀胱下部氣者，皆妄言也。嗚呼！此等議論，皆後學逞億之見，果堪信乎？果足法乎？醫失真傳，類多如此。故非靈素銅人之言，余誠不敢取也。

王肯堂李中梓並云：徃徃見人偏患於左丸者，則痛多腫少。偏於右丸者，則痛少腫多。此亦非必皆然也。見證治準繩醫宗必讀。

按癩即是疝之根也。而兼瘀血為疝之狀者也。陰囊腫張。或偏或雙。大小不一。或大如茄如梨。又大如蹴鞠如人頭。至大有奇怪可驚者。

京東二條河濱有一丐者。以太筋為綽號。

邦俗通呼陰囊為筋。即陰

筋之陰囊腫脹。大如二三歲兒。屈脚覆卧。箕踞沙地。襪

襪蓋覆。誇言以乞米錢。往來眾人擲錢求觀。丐者乃披開示之。覽者皆駭。以為怪物。又浪華一丐者。陰筋腫大。可二人。首許以布囊盛之。芋繩括之。挂其繩於項以行。

不則甚重。不能數步。巡街叫化。此其最大者。聊記以廣見聞。○按外臺秘要所引集驗方。古今錄驗並云。陰腫大如斗者。是已。

又小兒亦有是疾。生來早有。乃父母之遺患耳。又婦人亦有自中。年及老。羊小腹下陰股上。生若疣者。小者如拳。大者如鞠。時時怒張。牽引臍腹疼痛。恰如男子癩。怒張與疝發痛之狀。又間見輿夫急脚。類足脰有紫赤色筋脉。如浮絡。如糾繩。隴起縱橫者。是人曾有苦疝痛。至如是而後宿。

患遂愈

記得有一急步患疝為其貧忍小痛東西奔走日夜不
懈遂至膀胱紫脉如網聯絡舊疾不發後成金夫於一
條街貫家高枕事安逸脚膀胱紫絡漸去再苦疝疾小腹
痛甚終至不起

俗間謂即是寸白蟲也。那寸白蟲錯下足到皮裏膜外被
迫窄緊此不能上下進退不得止而怒張帶血色也不然
此乃瘀血之不凝結乎陰囊而到乎足而不動者也。

又有一種俗呼腫脚者其證初發不覺何因而然或一脚
或兩脚脛腫大不痛不痒行步不妨雖不治療終身無害
間有腿種者此亦瘀血惡汁之凝結脚部者而與陰癩同
類不治之疾也王月堂與脚氣同看非也

證治準繩云脚氣兩脚腫滿是為癰疾南方多見兩足
蹙大與疾偕老者初起當以重劑宣通壅滯或砭惡血
而去其重勢後以藥治

凡已成癩者勿強攻治治亦無益不治亦無甚害如痛甚

用止痛藥。痛止則停藥。勿復根治。又有陰囊痛大腫赤。遂潰出膿者。此是囊癰。而非癰。醫書以是證併入陰癰中者。亦非也。

三因方云。夫陰癰。屬肝。係宗筋。胃陽明養之。世多不識。謂之外腎。非特名義差錯。亦使內臟不分。其可不辨。古方雖出四證。但曰腸癰。氣癰。水癰。卵脹。殊不別其所因。如腸癰。則因房室過度。元臟虛冷。腸邊管系不收。墜入癰中。上下無定。謂之腸癰。屬不內外因病者。久畜憂思。

恐怒兼并。隨臟氣下墜。陰癰腫脹急痛。名曰氣癰。屬內所因病者。久坐冷濕。濕氣下襲。致陰腫脹。名曰水癰。屬外所因病者。勞役無節。及跨馬坐車。致卵核腫脹。或偏有大小。上下無常。名曰卵脹。亦屬不內外。因有小兒生來便如此者。乃宿疾也。卵脹腸癰。皆難治。氣癰水癰。治之易愈。又寒疝下注。入于癰中。名為狐疝。亦屬癰病。世人因此。並以癰病為疝。氣不審之甚。婦人陰明挺出。亦稱癰病。名義不分。有如此者。陳言指陰囊直稱癰者誤也。又云。凡癰

病唯腸癰無問貴賤多有之有睡卧管系延入脇下者
 有墜入囊中者或遇疲勞及天色變動逼上囊根腫急
 作痛過於寒疝得暖則下其如卵脹有作熱生膿為癰
 潰爛者比比有之此乃向所謂囊癰而非疝也非特陳
 言有是誤諸醫流皆然不足深責也
 按靈樞云腰脊者身之大關節也肢脛者人之管以趨翔
 也莖垂者身中之機陰精之候津液之道也故飲食不節
 喜怒不時津液內溢乃下留於罅血道不通日大不休俛
 仰不便趨翔不能此病榮然有水不上不下鉞石所取形

不可匿常不得藏刺節真邪篇此說陰囊所以大之由也蓋為
 不得其說強以津液內溜為解非也

附字辨疝說文云腹痛也字彙云陰病正字通云腎病又
 字彙正字通康熙字典並引釋名心痛曰疝疝說也氣說
 說然上入而痛也俱不盡疝疾狀蓋疝以疼痛壅塞控引
 攣急為其首候又上衝心胃下走腿膝出於表入於裏縱
 橫無方變化無窮固不一義而足矣故諸韻書說皆不得
 盡世俗以氣積如山為解者亦幾乎陋又醫家者流通以

仙韻呼之甚非也。百年來慣誦弊習，殆至難改正。讀本韻反誤聽聞，可勝嘆哉。癩與瘡同，謂陰囊腫大為癩。按素問靈樞癩癘通書無別故字，彙癩下云同瘡。瘡下云徒回切音願。陰病但稱陰病，未盡癩狀。正字通反以字彙為非者，誤也。又作瘰癧，瘰正字通，又為癧，與瘰癧同也。未知是否。又按說文瘰，疝痛亦非。劉熙釋名云：陰腫曰瘰，氣下瘰也。又曰：疝亦言洗也。洗洗引小腹急痛也。據此則瘰亦與瘡通。但醫書未見用瘰字。

錄補曾記有保井宗春者，年已七十矣。自壯患疝，久為滯疾。方其平常無事之日，有人推背，則忽自腹裏發大噫，可驚。再推再噫，三推三噫，連續推之，亦無不連續噫。不唯背已，或肩或腰或脇或脊，亦莫不皆然。又肘膈腿膝時偶輕打，則亦間有發大噫。若噫則其人大呼快哉，豁然。此由腹裏常有空氣，隨推打乃發為噫耶。抑由疝氣為推打所動，俄然生空氣，乃以發噫耶。推打與噫同時齊出，間不容髮。奇哉，可怪。此亦疝之異證也。故書以示諸子弟。

一本堂行餘醫言卷之三畢

明治廿年十月念九日一讀
壬午年七月初二夜三讀了
白峯岡直

